

Móta- og keppnisreglur Fimleikasambands Íslands

I. KAFLI

Almennt

1. gr.

Þátttökuskilyrði

Aðeins félög innan Fimleikasambands Íslands (FSÍ) og Íþrótta- og Ólympíusambands Íslands (ÍSÍ) eiga rétt á að taka þátt í opinberum fimleikamótum. Öll fimleikamót skulu fara fram skv. lögum ÍSÍ og sérreglum FSÍ. Samþykktir Alþjóðafimleikasambandsins (FIG) og Evrópska Fimleikasambandsins (EG) eru leiðbeinandi fyrir FSÍ.

FSÍ sér um að tilkynna öll opinber fimleikamót til sambandsaðila með löglegum fyrirvara, sem skal vera minnst sex vikur.

Nöfn móta, þar sem það á við, skulu haldast óbreytt nema styrktaraðili mótsins fari fram á annað.

II. KAFLI

Mótahald, hlutverk og ábyrgð

2. gr.

Flokkar móta

FSÍ mót skiptast í þrjá flokka; A, B og C flokka.

A: Mót með fáum keppendum og strangar kröfur til húsnæðis.

B: Meðal fjöldi keppenda en svipaðar kröfur til húsnæðis.

C: Mót með mörgum keppendum, minni kröfur til húsnæðis.

Einstök mót skulu skiptast reglubundið milli fimleikafélaga og skal skiptingin miðast við að þau hafi bolmagn til að halda mót af ákveðinni stærðargráðu (A, B, C).

3. gr.

Mótahald

Skrifstofa FSÍ úthlutar mótum til fimleikafélaga fyrir lok ágúst ár hvert.

Geti félag vegna óviðráðanlegra aðstæðna ekki séð um framkvæmd móts sem því hefur verið úthlutað, ber því að leita aðstoðar FSÍ með góðum fyrirvara, minnst tveggja mánaða. Fáist ekki annað félag til að halda mótið getur stjórn FSÍ felld mótið niður. Vangeta félags til að halda mót



getur leitt til þess að það missi stað sinn í næstu úthlutun og fái því ekki boð um að halda næsta mót sem því hefði annars verið úthlutað.

Félög bera ábyrgð á réttri skráningu keppenda á mót, aldri, félagsaðild, leyfisskráningu og greiðslu þátttökugjalda. Einnig bera félögin ábyrgð á að þjálfara- og dómarskráning sé gerð og að þjálfarar og dómara séu með leyfi í samræmi við hlutverk. Stjórn FSÍ hefur þó heimild til að bjóða einstaklingum að keppa á mótum FSÍ sem gestir.

4. gr.

Frestun móta

Komi til þess að fresta þurfi mótahaldi t.d. vegna ófærðar eða annarra ófyrirsjáanlegra aðstæðna, skal mótastjóri í samvinnu við tækninefndir bera ákvörðunina undir framkvæmdarstjóra FSÍ. Eftir að ákvörðun er tekin skal upplýsa stjórn og tilkynna hana til félaga. Tilkynningin skal berast öllum aðilum á sama tíma.

Unnið skal að því eins fljótt og auðið er að finna nýja dagsetningu fyrir mótið og fer sú vinna fram á skrifstofu í samstarfi við tækninefnd og framkvæmdaaðila.

5. gr.

Ábyrgð og hlutverk fimleikafélaga vegna mótahalds

Fimleikafélag sem fengið hefur móti úthlutað (framkvæmdaaðili móts) ber að:

- Sjá um alla tæknilega framkvæmd mótsins í samstarfi við skrifstofu.
- Setja upp samningsbundnar auglýsingar í keppnissal.
- Veita aðstöðu fyrir samstarfsaðila FSÍ í samræmi við samninga sem FSÍ hefur gert, þar með talið að tryggja samningsefndir FSÍ í samræmi við einkaréttarsamninga, ef við á. FSÍ upplýsir fimleikafélög tímanlega um hvers konar aðstöðu þörf er á með vísan til þeirra samninga sem um ræðir.
- Fylgja ákvæðum um aðgangseyri á mótum FSÍ, sbr. 7. gr. hér að neðan.

6. gr.

Ábyrgð og hlutverk FSÍ vegna mótahalds

- FSÍ setur upp tímaskipulag og útvegar þau gögn sem þarf fyrir mótið.
- FSÍ upplýsir fimleikafélag tímanlega um fjölda auglýsinga sem setja þarf upp.
- FSÍ upplýsir fimleikafélag tímanlega um hvers konar aðstöðu þörf er á með vísan til þeirra samninga sem um ræðir.
- FSÍ útvegar verðlaunagripir fyrir FSÍ mót.

7. gr.

Aðgangseyrir á mótum FSÍ

- Á hverju móti greiða áhorfendur einungis einu sinni aðgangseyri.
 - Nema um sjónvarpsmót sé að ræða, rukka má sérstaklega inn á þá hluta.
- Skráðir keppendur greiða einungis mótagjald en ekki aðgangseyri.
- Á innlendum mótum er einn gjaldflokkur;
 - Fullorðnir 18 ára og eldri – greiða aðgangseyri.



b. Börn og unglingar 17 ára og yngri - frítt.

d) Við erlent mótahald er ákvörðun aðgangseyris samkomulag á milli FSÍ og mótshaldara.

sIII. KAFLI

Skráningar og sektarkerfi FSÍ, mótagjöld

8. gr.

Lágmarksaldur keppenda og skráningar

Keppendur á mótum FSÍ skulu vera 9 ára eða eldri á almanaksárinu.

Skráningar á mót skulu berast til skrifstofu FSÍ í gegnum Þjónustugátt FSÍ. Einungis er hægt að skrá keppendur, þjálfara og dómara á mót í samræmi við þeirra leyfi.

Fjöldi dómara á félag miðast við upphaflega skráningu á mót. Séu keppendur eða lið dregin úr keppni hefur það ekki áhrif á fjöldaskráningu dómara á mót. Einungis er hægt að skrá samningsbundna dómara.

9. gr.

Skráningarferli

Áhaldafimleikar

Félög skrá á mót í gegnum mótakerfi FSÍ eigi síðar en 4 vikum fyrir mót. Þar skulu koma fram nöfn þjálfara, keppenda og varamanna, kennitölur og keppnisflokkar. Skila skal inn nöfnum dómara tveimur vikum fyrir mót. Félög skulu senda inn einn dómara fyrir hverja þrjá keppendur. Í liðakeppni skal skrá minnst tvo dómara á hvert lið. Skráningarfrestur getur tekið breytingum þegar keppendur vinna sér inn þátttökurétt á móti.

Seinskráning veldur sektum sem reiknaðar eru skv. gjaldskrá á heimasíðu FSÍ.

Hópfimleikar

Félög skrá á mót í gegnum mótakerfi FSÍ eigi síðar en 4 vikum fyrir mót. Skráningar í hópfimleikum eru tvískiptar. Skráningu liða skal skila 4 vikum fyrir mót. Nafnaskráningu þarf að skila inn í síðasta lagi 10 dögum fyrir mót og gildir það bæði um nöfn keppenda og þjálfara. Skila skal inn nöfnum dómara 10 dögum fyrir mót. Fjöldi dómara er reiknaður í hlutfalli við fjölda liða sem félag skráir á mót.

Seinskráning veldur sektum sem reiknaðar eru skv. gjaldskrá á heimasíðu FSÍ.

Stökkfimi

Félög skrá á mót í gegnum mótakerfi FSÍ eigi síðar en 4 vikum fyrir mót. Skráningar í Stökkfimi eru tvískiptar. Skráningu liða skal skila 4 vikum fyrir mót. Nafnaskráningu þarf að skila inn í síðasta lagi 10 dögum fyrir mót og gildir það bæði um nöfn keppenda og þjálfara. Skila skal inn nöfnum dómara 10 dögum fyrir mót. Fjöldi dómara er reiknaður í hlutfalli við fjölda liða sem félag skráir á mót.

Seinskráning veldur sektum sem reiknaðar eru skv. gjaldskrá á heimasíðu FSÍ.

Þjálfaraskráningar



Þjálfarar á mótum FSÍ verða að hafa lokið viðeigandi menntun fyrir sinn keppnisflokk. Félög skrá þjálfara líkt og keppendur fyrir hvert mót í þjónustugátt.

Í upphafi hvers mótshluta fer fram þjálfarafundur þar sem hverju félagi er skylt að staðfesta nöfn og fjölda frá sínu félagi.

Mæti þjálfari sem ekki er með viðeigandi leyfi inn á keppnisgólf kemur til sektar 50.000 kr.

Mótagjöld

Mótagjöld fást endurgreidd ef um er að ræða slys eða veikindi og tilkynnt er skriflega til skrifstofu FSÍ. Skrifstofa hefur heimild til að óska eftir læknisvottorði.

10. gr.

Skráning berst seint/afskráningar

Ef félag skráir keppendur seint leggst álag á mótagjöld með eftirfarandi hætti:

- a) Flokkur 1 – skráning á sér stað innan við viku eftir að skráningarfresti lýkur. Ber félagi að greiða eitt og hálft mótagjald pr. keppanda.
- b) Flokkur 2 – skráning á sér stað 8 dögum eða síðar eftir að skráningarfresti lýkur. Ber félagi að greiða tvöfalt mótagjald pr. keppanda.

Ef félag skráir dómara seint leggst álag á mótagjöld viðkomandi félags með eftirfarandi hætti að upphæð 18.000 kr.

- c) Engin/röng skráning dómara kemur til sektar 50.000 kr. fyrir hvern dómara sem ekki er skilað.

Afskráningar félaga eru heimilar, en mótagjöld miðast við upphaflega skráningu og breytast ekki við afskráningu.

11. gr.

Mótagjöld og aðrar tekjur af mótum.

FSÍ sendir reikning fyrir mótagjöldum á félög sem skráð hafa keppendur að móti loknu.

Séu einstaklingar að keppa, samkvæmt reglum, í fleiri en einum flokki þá kemur 50% afsláttur af "seinna" mótagjaldinu.

Afslátturinn kemur til gegn því að viðkomandi félag sendi inn upplýsingar á fsi@fimleikasamband.is um þá einstaklinga sem eru að keppa oftar en einu sinni, hverju sinni.

Mótagjöldin skiptast í þrjá jafna hluta og renna til FSÍ, landsliðsverkefna viðkomandi greinar og framkvæmdaraðila mótsins. Uppgjör móts fer fram eftir að móti er lokið og búið er að reikna dómargreiðslur og kostnað við verðlaunin sem greidd eru af framkvæmdaraðila mótsins, að undanskildu Íslandsmóti í meistaraflokki, bæði í áhald- og hóp fimleikum. Við framkvæmd uppgjör kann að vera litið til annarra þátta er varða bæði framkvæmd viðkomandi móts sem og annarra fjárhagslegra þátta er varða FSÍ og viðkomandi framkvæmdaraðila.

Tekjur af samningsbundnum auglýsingum FSÍ og sjónvarpsútsendingum skulu renna til FSÍ.

Allar aðrar tekjur af mótahaldi skulu renna til framkvæmdaraðila mótsins.

IV. KAFLI **Heilbrigðismál á mótum FSÍ**

12. gr.

Ábyrgðarmaður heilbrigðismála

Ábyrgðarmaður skal hafa menntun á sviði heilbrigðismála s.s. læknir, hjúkrunarfræðingur, sjúkraþjálfari eða sjúkraflutningamaður. Einnig skal hann hafa góða þekkingu á fyrstu hjálp.

Ef mótshaldari nær ekki að skipa ábyrgðarmann, skal láta FSÍ vita með minnst viku fyrirvara sem finnur ábyrgðaraðila á kostnað mótshaldara. Í þeim tilvikum er FSÍ heimilt að leggja umsýslukostnað ofan á kostnað við vinnu ábyrgðaraðila.

Mótshaldari sér til þess að nauðsynlegur búnaður sé til staðar til að bregðast við þeim slysum og/eða veikindum sem geta mögulega komið upp á hjá keppendum og/eða áhorfendum.

Ábyrgðarmanni ber að fylgja þeim reglum sem FSÍ setur um heilbrigðismál.

Ábyrgðarmaður sér um og ber ábyrgð á að standa skil á slysaskýrslum til FSÍ.

V. KAFLI **Verðlaun á mótum FSÍ**

13. gr.

Verðlaunapeningar áhaldafimleikar

Veita skal verðlaun á mótum í áhaldafimleikum með eftirfarandi hætti:

- a) Alltaf skal veita verðlaun fyrir 1., 2. og 3. sæti sé fjöldi þátttakenda fimm eða fleiri.
- b) Ávallt skal veita fyrst verðlaun fyrir fyrsta sæti.
- c) Ef keppendur eru færri en sjö í 3. þrepi, fimm í 1. – 2. þrepi og ekki er hægt að sameina flokka, eru einungis veitt verðlaun fyrir fyrsta sæti.
- d) Ef keppendur í fjölþraut í 1.-3. þrepi eru 15 skal veita 1., 2., 3., 4. og 5. verðlaun í fjölþraut. Bronsverðlaunapeningur skal veittur fyrir 4. og 5. sæti.
- e) Ef keppendur í fjölþraut í 1.-3. þrepi eru 30 eða fleiri skulu veitt verðlaun fyrir 1. til og með 10. sæti. Bronsverðlaunapeningur skal veittur fyrir 4.-10. sæti.
- f) Veita skal verðlaunapening fyrir að ná þrepi í 4. og 5. þrepi, ekki eru veitt verðlaun fyrir sæti.
- g) Sé fjöldi liða færri en fimm á Bikarmóti í þrepum, skal eingöngu veita verðlaun fyrir 1. sæti. Sé fjöldi liða í frjálsum æfingum færri en þrjú skal eingöngu veita verðlaun fyrir 1. sæti.



14. gr.

Verðlaunapeningar hópfimleikar

Veita skal verðlaun á mótum í hópfimleikum með eftirfarandi hætti:

- a) Verðlaun skulu veitt fyrir 1., 2. og 3. sæti hverri deild í hverjum flokki.
- b) Í hópfimleikum/Stökkfimi skal veita verðlaun fyrir 1. – 5. sæti séu lið fleiri en 10 í keppnisflokki, annars skal veita verðlaun fyrir 1.-3. sæti.
- c) Sé fjöldi liða færri en fimm í keppnisflokki skal eingöngu veita verðlaun fyrir 1. sæti.

15. gr.

Bikarar

Bikarar eru veittir á Íslandsmeistaramótum og Bikarmótum.

Eignabikarar

Eignabikarar eru fyrir alla aldursflokka og í öllum getuflokkum í öllum keppnisflokkum.

Hópfimleikar veita eignabikar fyrir 1. sæti á einstökum áhöldum í hverjum flokki á Íslandsmóti í mfl.

Hópfimleikar veita eignarbikar fyrir 1. sæti samanlagt í öllum flokkum á Íslandsmóti unglunga.

Hópfimleikar gefa eignarbikar fyrir alla flokka á bikarmótum.

Áhaldafimleikar veita stigameistara bikar í frjálsum æfingum í öllum keppnisflokkum fullorðins- og unglingaflokki.

Áhaldafimleikar veita eignarbikar fyrir Íslandsmeistara í 1. – 3. þrepi og frjálsum æfingum.

Áhaldafimleikar veita eignarbikar fyrir alla bikarmeistara í frjálsum æfingum og í 1.-3. þrepi.

Stökkfimi veitir eignabikar fyrir 1. sæti fyrir samanlagðan árangur í öllum aldursflokkum á Íslandsmóti.

Farandbikarar

Farandbikarar eru aldrei til eignar.

Áhaldafimleikar veita farandbikara til bikarmeistara í frjálsum æfingum karla og kvenna, Íslandsmeistara í frjálsum æfingum karla og kvenna, bæði í fullorðinsflokki og unglingaflokki og stigameistara karla og kvenna í fullorðins og unglingflokki. Bikurum skal skilað inn á skrifstofu FSÍ minnst tveimur vikum fyrir sama mót að ári.

Hópfimleikar veita farandbikara til bikarmeistara í karla, kvenna og blönduðum flokki í fullorðinsflokki og 1. flokki, til Íslandsmeistara í karla, kvenna og blönduðum flokki í fullorðinsflokki og 1.flokki. Bikurum skal skilað inn á skrifstofu FSÍ minnst tveimur vikum fyrir sama mót að ári.

VI. KAFLI **Áhaldafimleikar**

16. gr.

Almennt um áhaldafimleika

Áhaldafimleikar eru grein innan alþjóðlega fimleikasambandsins (FIG) og er keppt eftir þeim Code of Points reglum sem breytast eftir hverja Ólympíuleika. FSÍ gefur út keppnisæfingar fyrir yngri flokka sem styðjast við reglur FIG.

17. gr.

Aldursflokkar

Skipting í aldursflokka skal fara samkvæmt kröfum móta sem gefnar eru út að hausti. Aldursflokkar í íslenska Fimleikastiganum (FSÍ) eru skilgreindir á eftirfarandi hátt:

- a) Samkvæmt kröfum móta.
- b) Aldur miðast við fæðingarár. Sameina skal aldursflokka þegar færri en sjö keppendur eru skráðir í 3. þrep og færri en fimm keppendur eru skráðir í 2. og 1. þrep kvenna. Sameina skal aldursflokka þegar færri en fimm keppendur eru skráðir í 3. – 1. þrepi karla.
- c) Keppt er eftir reglum um íslenska Fimleikastigann.

VII. KAFLI **Hópfimleikar**

18. gr.

Almennt um hópfimleika

Keppt er eftir Code of Points Teamgym, útgefnum af EG með íslenskum aðlögunum. Íslenskar aðlaganir eru samdar af tækninefnd í hópfimleikum. Keppt er í karla-, kvenna- og blönduðum flokki.

19. gr.

Aldursflokkar í hópfimleikum

Aldursflokkar eru samkvæmt kröfum móta THF sem eru gefnar út að hausti.

Keppandi getur keppt með tveimur liðum á sama móti, en þó aldrei í sama flokki (ekki hægt að keppa við sjálfan sig). Þó má ekki meira en þriðjungur liðsins vera skráður í annað lið.

VIII. KAFLI
Reglur um áhöld á fimleikamótum

20. gr.
Áhaldafimleikar

Styðjast skal við reglur FIG um áhöld í áhaldafimleikum, en yfirdómara á viðkomandi áhaldi ásamt yfirdómara mótsins er heimilt að úrskurða um einstök áhöld á einstökum mótum.

Á þrepamótum skal farið eftir íslenska Fimleikastiganum og ákvæði um áhöld þar. Mótshaldari sér um að útvega lögleg áhöld á mótssstað.

Þjálfurum og þátttakendum er ekki leyfilegt að mæta með áhöld (t.d. stökkbretti) eða önnur hjálpartæki (s.s. litlar dýnur) á mótssstað og flytja á milli áhalda í keppninni án samþykkis yfirdómara mótsins.

21. gr.
Hópfimleikar

Styðjast skal við reglur EG í hópfimleikum, en yfirdómara á viðkomandi áhaldi ásamt yfirdómara mótsins er heimilt að úrskurða um einstök áhöld á einstökum mótum. Mótshaldari sér um að útvega lögleg áhöld á mótssstað.

IX. KAFLI
Auglýsingar

22. gr.

Auglýsingar á íþróttabúningum

Engar reglur gilda um auglýsingar á íþróttabúningum hjá FSÍ.

23. gr.

Dómaranámskeið

Dómaranámskeið falla undir fræðslusvið FSÍ og kostnaður greiðist af því félagi sem skráir þátttakanda á dómaranámskeið.

Kostnaður vegna alþjóðadómaranámskeiða greiðist af FSÍ.

24. gr.

Aðgönguskírteini

Fimleikasamband Íslands gefur út aðgönguskírteini, sem heimilar ókeypis aðgang að mótum á vegum sambandsins. FSÍ skal halda skrá yfir útgefin aðgönguskírteini.

- a) Aðgönguskírteini A, gildir fyrir tvo á öll FSÍ mót.
- b) Aðgönguskírteini B, gildir fyrir einn á öll FSÍ mót.
- c) Aðgönguskírteini D, dómaraskírteini sem gildir fyrir einn á öll FSÍ mót.

Rétthafar skírteina eru:

- a) Aðgönguskírteini A skal gefið út til eins árs til stjórnar FSÍ, formanna nefnda FSÍ, starfsmanna FSÍ, forseta og framkvæmdastjóra ÍSÍ, heiðurfélaga, fyrrverandi formanna FSÍ og samstarfsaðila FSÍ.
- b) Aðgönguskírteini B skal gefið út til formanna og framkvæmdastjóra fimleikadeilda og fastanefnda FSÍ.
- c) Aðgönguskírteini D skal gefið út til virkra dómara.

Notkun skírteina:

- a) Aðgönguskírteini gildir aðeins fyrir rétthafa þess. Aðeins skal gefa út eitt aðgönguskírteini á hvern einstakling.
- b) Starfsmenn í miðasölu geta óskað eftir að einstaklingar með aðgönguskírteini sýni skilríki með mynd þegar aðgönguskírteini er framvísað.
- c) Misnotkun skírteinis getur haft í för með sér innköllun á því.
- d) Óheimilt er að gefa út önnur aðgönguskírteini, sem gilda um allt land, en um er getið í þessari reglugerð.
- e) Skírteinin gilda ekki á alþjóðleg mót og sýningar á vegum FSI.



25. gr.

Samfélagsmiðlar

Mótshaldari skipar samfélagsmiðlafulltrúa og sendir nafn, netfang og símanúmer á mótastjóra FSÍ, að undanskildum A-mótum, þá sér mótastjóri um samfélagsmiðla í samvinnu við skrifstofu FSÍ. Mótastjóri veitir fulltrúa aðgang að Facebook síðu FSÍ. Samfélagsmiðlafulltrúi ber að fylgja þeim reglum sem FSÍ setur um samfélagsmiðla.

26. gr.

Fjölmiðlar

Mótastjóri FSÍ annast samskipti við fjölmiðla í samvinnu með mótshaldara, að undanskildum A-mótum, þá sinnir mótastjóri í samvinnu við skrifstofu FSÍ því hlutverki alfarið. Mikilvægt er að vanda til verka þegar kemur að samskiptum við fjölmiðla. Í samskiptum við fjölmiðla er gott að hafa eftirfarandi í huga:

Skrifstofa FSÍ býr til viðburð fyrir mótið á Facebook.

Mótshaldari gefur upp tengilið við fjölmiðla á mótinu, tekur á móti fjölmiðlum og leiðbeinir þeim á mótsstað.

Skrifstofa FSÍ sendir fréttatilkynningu fyrir A-mót.

Að móti loknu sendir mótshaldari stutta samantekt með úrslitum og myndum á mótastjóra.

27. gr.

Myndatökur á mótum

Á keppnissvæði mega aðilar frá mótshaldara og Fimleikasambandinu taka myndir/myndbönd. Fimleikasambandið upplýsir mótshaldara um þá aðila sem koma frá sambandinu.

Aðildarfélög FSÍ geta sótt um leyfi hjá Fimleikasambandinu að hafa einn aðila frá félaginu sem má taka myndir/myndbönd af keppendum frá sínu félagi. Viðkomandi skulu gefa sig fram við mótshaldara og fá þar til gerða merkingu sem þeim ber að hafa á sér við störf á keppnisgólfi.

Á keppnisgólfinu mega eingöngu aðilar á vegum mótshaldara og Fimleikasambandsins taka myndir/myndbönd af öllum keppendum mótsins. Ljósmyndarar þurfa allir að vera með merkingu frá Fimleikasambandinu á meðan þeir eru að störfum.

Á Íslands og Bikarmótum í meistaraflokki/frjálsum æfingum sér Fimleikasambandið um myndatöku á keppnisgólfinu. Félag geta nálgast myndir á myndasíðu sambandsins.

Aðrir skulu taka myndir úr áhorfendasvæði mótsins.

Þessar reglur eiga við aðildarfélög Fimleikasambandsins, ljósmyndarar fjölmiðla fá aðgang að keppnisgólfi, að því gefnu að þeir sækja þar til gerðar merkingar sem þeim ber að hafa sýnilegar. Starfsfólk mótsins reynir eftir fremsta megna að leiðbeina og aðstoða fjölmiðla á mótum FSÍ.



**Fimleikasamband
Íslands**

Brot á þessari grein gefur mótsháldara, að höfðu samráði við Fimleikasambandið, heimild til að vísa viðkomandi af mótstað.